



Inatsisartunut ilaasortaq Aleqa Hammond, Siumut

16. maj 2011
Sagsnr.
Dok. Nr.

Asasara Aleqa Hammond – qujanaq apequtigisannut kinguliini allassimasunut:

“Inatsisartut suleriaasiat § 37 naapertorlugu Naalakkersuisunut imaattumik apeqquteqarpunga:

Apeqqut:

Nunatsinnut tikinnermi nioqqutissanik akitsuuserneqarsimangitsunik tunisat aaliangersimasut Naalakkersuisut aalajangerpaat inerteqqutaalissasut tunngavilersuutigalugu akitsuuserneqangitsut annerusumik tunisaalernerisigut nunatta karsianut isaatinneqartussat amerlanerussammata.

Apeqqutigiumavara tamanna torrallataasumik aaliangersimasut suli Naalakkersuisut isumaqarfigineraat, taamaangippallu taamatut inerteqquteqarneq qaqugu atorunnaarsinneqassava?

Tunngavilersuut:

Ilisimaneqalereertuut Naalakkersuisut nunatta karsianut annerusumik akitsuutitigut isaatitsisoqarnissaannut pilersaarutigisimasaat iluatsinngilaq, maannamummi akileraaruteqanngitsunik tunisinerup ilaannut atorunnaarsitsineq siunertamut uniuuttumik ingerlavoq, apeqquteqaateqarninnilu paaserusuppara Naalakkersuisut suli isumaqarnersut aalajangersimaneq torrallatatut suli isigineraat imaluunniit qanoq allatut ililersaarnersut paaserusullugu.

Kissaatigaara apeqqutima ullut suliffiusut qulit qaangiutsinnagit akereerneqarsimassasoq.”

Ilinnut oqaatigisinnaavara nioqqutissanik akitsuusigaanngitsunik nunatsinnukarnermi nassataqarsinnaatitaanerup atorunnaarsinneqarnera 2011-mut aningaasanut inatsimmik aningaasaliinissap ilagimmagu. Atugarissaarnerup ataqtigiissuunissaa qulakkeerniarlugu isertitassanik nassaartoqartariaqarpoq. Naalakkersuisut kissaatigisaraat akitsuutit inuuniarnermut avatangiisinullu tunngatillugu oqimaaqtigiissaagaanissaat. Taamaammat taamaaliortoqarnissaa siunertarineqartunut naleqquppoq, tassani pingaartumik isertitaqqortuut eqqorneqarmata akitsuutit isertitakittunnitaaq eqquisussat atuutilersinnagit.

Naalakkersuisut aalajangiinerup atorunnaarsinneqarnissaanik pilersaaruteqanngillat. Naatsorsorneqarpoq taamaaliornikkut Nunap Karsia ukiumut 25 – 30 mio. koruuninik pissarsiaqarnerulissasoq. “Pilersaarutip iluatsinngitsoorsimanera” Naalakkersuisut ilisimasaqarfiginngilaat. Patsisissanik aalajangersimasunik tamatumunnga tunngavilersuutissaqassaguit soorunalimi Naalakkersuisut tamakku isummerfiggissavaat.

Postboks 1605
3900 Nuuk
Tlf. (+299) 34 50 00
Fax (+299) 32 20 42
E-mail: tax@nanoq.gl
www.nanoq.gl

Naalakkersuisut naliliipput anguniagaasut anguneqarsinnaanersut siusippallaartoq maannangaaq inerniliissalluni. Ataatsimut isigalugu oqartoqarsinnaavoq imigassanik aalakoornartulinnik tupanillu eqqussinermi akitsuutit ukiuni kingullerni ikiliartorsimasut. 2011-missaaq taamaalluarsinnaavoq naak nioqqutissanik akitsuusigaanngitsunik eqqussueqqusiunnaarneq appariaammik annikillisisinnaagaluartoq.

Illimagineqartut akerliannik imigassanik aalakoornartulinnik tupanillu tunisat missingersuusiariineqartunit annikinnerussagalarpata Naalakkersuisut tamanna ajuusaarutiginaangiilaat. Imigassanik aalakoornartulinnik tupanillu tunisat appariarnerata assigiinnarpaa atuinikinnerujartorneq, tamannalu Naalakkersuisut peqqissutsimut tunngatillugu ingerlatsinerannut naapertuulluinnarpoq. Assersuutigalugu peqjortartarnej pillugu inatsisikkut atuneq annikillisinnaarlugu iliuuseqarsimavugut.

Isertitat missingersuutigineqartunit ikinnerussagalarpata siullermeerluta pissutsit taamaalersillugit takunaviangiilagut. 2007-imi Naalakkersuisut imigassat ikiaroomartullit tupallu akitsuutaannik qaffaapput, missingersuutigalugu ukiumut 100 mio. koruuninik isertitaqartoqassasoq. Akitsuutinik qaffaanerup taassuma kinguneraa atuinikinnerujartulernerq. Tassami taamaallaat 60 mio. koruunit Nunap Karsianut isertinneqarsimapput. Aalajangiinertaaq taanna allanngortissallugu eqqarsaatersuutigineqarsimanngilaq, ataatsimummi isigalugu peqqinnerulersitseqataaginnarsimammat.

Inussiarnersumik inuulluaqqusillunga

Maliina Abelsen

Aningaasaqarnermut Naalakkersuisoq